

四庫全書

子部

# 欽定四庫全書

子部

普濟方卷二百八十五

詳校官太醫院吏目臣周世泰

編修臣倉聖脈覆勘

總校官進士臣楊懋珩

校對官中書臣楊世綸

謄錄監生臣姚元煥

欽定四庫全書

普濟方卷二百八十四 明

周王朱楠 撰

癰疽門

諸癰疽

牡蠣大黃湯

牡蠣 木香 大黃

煨各等分

右咬咀每服五錢水一盞半煎至七分春夏露溺一宿於鷄鳴時服之冬月於煖處放一宿婦人重身者

勿服此藥快利三兩行便勿服

又方 治癰疽發背一切惡瘡裏托散消內補散不用溫藥且易合親服有效

黃耆

三兩

白芍藥

二兩

甘草

一兩

右為粗末每服四錢以水一盞半煎至八分通口服無時

截毒散

治發背癰疽未有赤腫大痛

穿山甲

合蛤粉炒焦取甲一兩

木香

半兩

白丁香

一分

右為細末每服二字瓜蒌酒調下不拘時候

檳連散 治癰疽瘡腫未潰已潰皆可傳

檳榔

黃連

各半兩

穿山甲

大者十片燒存性

右為末先點好茶以翎毛刷過瘡仍以茶清調藥傳瘡上如熱甚則以鷄子清調傳膿已潰則用長肌藥未快則用替針丸如見瘡口後用此藥數次了却用萬金膏貼之候膿盡惡肉潰即用生肌散一方乳香膏

奪命散

川大黃

一兩 牡蠣 燒半兩

龍腦

服時用一字

右細末每服三錢好酒三盞煎至二盞放冷入片白腦子半字分三次服以利為度

追毒信效丸

治諸惡瘡疽腫毒悶痛活血迴瘡

明信砒

鉛丹

各半兩

菴豆粉 一錢

右研化蠟一錢一字油五點為丸如大麥大經瘡內

先用溫漿水洗了經瘡後上白玉膏

寒水石焙作粉便是也

穿山甲散 治癰疽諸痛未有頭者

穿山甲

一兩炒

天花粉

二兩

白芷

二兩

右為細末每服二錢用酒調下

追膿散 治癰疽未破用此藥潰爛膿水乾快

乳香

半兩研

巴豆

十个去殼微帶油

雄黃

半兩研

右細末每用少許貼在軟處又方加麝香少許用蒸餅為丸作小錠子

夜明砂膏 潰腫排膿

夜明砂

一兩

辣桂

半兩

乳香

一分

右細末入乾砂糖半兩研和井水調傳膏

星烏散

治癰疽已結未作穴潰

大南星 草烏頭

辣桂

等分

右末用酒或醋調傳軟白紙貼未穴再用

欬毒散 傳四圍收毒

南星 赤小豆

白芨

等分

右末井水調附四圍軟帛貼上



蚣蝎散 治癰疽瘡口小而硬貼膏藥膿不出是為風毒所勝用

赤足蜈蚣

一條去頭足

全蝎

三枚實金尾者並皆用

木香

錢一

右為細末用時先以猪蹄湯洗疽了以帛挹乾去毒每用一字摻於膏藥錢上堆瘡口貼其效如神每用神異膏合先量疽大小塗在紙花上了却用此藥摻於膏藥上要使先到瘡口故也如瘡口開闊不硬勿用若是風邪所搏即煎連根葱白五莖次入白紙末

半兩少頃瀝清淋洗明日又洗仍服不換金正氣散  
皂刺散 治癰疽等患宣毒排膿首初便服

紫黑色皂角刺

連皮瓜蒌

等分

北五靈脂

減半

右剉細每服四錢酒二大盞煎至六分入乳香少許  
溫皂角刺能宣毒

萬金一醉膏 治癰疽發背宣導惡核腫腦痛背已潰

未潰排膿托裏婦人乳癰皆治之一名萬金湯

瓜蒌

一箇去皮碎研

甘草

生粗末半兩

沒藥

水中研二錢半

右用紅酒三大碗同於銀器內煎取其半分兩服溫服之在上食後服患在下食前服重者再劑以瘥為度出血或出黃水是效又加當歸白芷并明乳香更要宣毒加紫皂角刺一分一方名括萋酒如大便不利可間服拔毒散方見前

生薑柑桔湯 治癰疽諸發毒氣上衝咽喉胃膈室塞不利

北桔

去蘆頭  
一兩

甘草

生薑  
各半  
兩

右剉細每服三錢井水煎服

托裏黃耆湯 治癰疽發背發髀發鬢發眉發腦婦人

妳癰等定痛去毒

瓜蒌

黃耆

各半兩

甘草

炙二錢

右分作兩服每服水一盞半酒半盞煎至一盞去滓  
溫服如已作膿加皂角刺少許未作膿止依正方

替減丁香丸

草烏尖

硃砂

白丁香

堅者

右為末酸醋調點將破者令速潰但有急則無如刀  
為快蟬針一法亦妙

歛瘡口散

治癰疽發背無問男子婦人先多服五香

連翹湯數服導去惡物須詳老少壯弱多少用藥次  
服托裏散數帖又次服內補十宣散不計服數外用  
四圍散貼中間留小孔不得以藥塗盡須留小孔出  
氣其四圍藥散如左

天南星

去皮

天花粉

各三錢

芙蓉葉

四錢

右為末用靈脂芭蕉雞子清傳赤腫加黃皮若腫不  
消痛不住及要收口用桃紅散

桃紅散

白芨

石膏

煨

黃丹

炒

右三味為末乾貼之

又方

烏梅

燒灰

赤石脂

牡蠣

右同為末蜂糖調傳

射膿丸 治諸瘡癰膿水已成即當針開決出陳臭惡  
瘡若其惡瘡不出欲針石須當針開發用此藥以射  
出其膿

砒霜

半錢

白礬灰

一錢

黃丹

一字

右為末麪糊為丸熬作錠子每用貼瘡頭欲出處以  
膏藥貼之自潰

癰疽瘰癧惡瘡妙方

生髮

燒存性三分

皂莢刺

燒帶生二分

白芨

一分

右細末乾摻或井水調傳皂莢刺能行諸藥

神仙黃礬丸 此藥止痛疼不動臟腑亦治癰疽發背

毒瘡諸般惡瘡皆效一名黃蠟丸

白礬

一兩用明  
亮好者研

黃蠟

半兩黃色  
好者鑿開

右和丸如梧桐子大每服十九丸漸加至二十九丸熟水  
或溫酒送下未破則內消已破則便合加服金石發  
動致疾更用白礬末一兩匙頭以溫酒調下亦三五  
服效有人偏身生瘡狀如蛇頭服此一效他方雖稱



奇驗服近百粒方有力此藥能防毒氣內攻蓋能護膜也不可忽其淺近漏瘡用油髮灰和雞內金末外塞於始終服半斤瘡愈後服之尤佳不問老幼皆可服之服至一兩以上無不作效一方治蛇咬只溶化白礬乘熱滴傷處痛即止毒氣即赴出立見效要知白礬大解毒也屢試神效活人不可概舉

忍冬酒 治癰疽發背初發時便當服此不問疽發何處發眉發頤或頭或項或背或腰或脇或婦人乳疽

癰或在手足服此效仍兼以麥飯石膏及神異膏塗  
傳妙若鄉村或乏無得藥材者虔心服之

忍冬藤

生取一把以藥入砂盆內爛研入餅子酒  
少許生酒尤佳調和稀稠得所塗傳四圍

中心大留一口洩其毒氣其藤尺  
用五兩木槌微微槌不可犯錢器

大甘草節

生剉

右入砂瓶內以水二盃用文武火慢慢煎至一盃入  
無灰好酒一大盃再煎十數沸去滓為三次溫服一  
日一夜連進喫盡如病勢重一日一夜要兩劑服至  
大小腸通利則藥力到沈內翰云如無生者只用乾

者但不及生者力大而效速。又木蓮木葉四十九片揩去毛研細酒解溫服功與忍冬草不相上下又龍鱗薜荔一握細研以酒解汁溫服亦能瀉下惡物去根本。忍冬藤凌冬不凋故名其藤左繞附樹蔓延或在園圍牆籬之上藤方而紫葉似薜荔而清故又名左纏藤二月開花五出微香蒂紅色花初開則色白經一二日則色黃故又名金銀花又名鷺鷥藤又名金釵股又名老翁鬚善治癰疽發背尤勝紅內

消○又大治五腫飛尸以滓去腫毒

洗藥神硝散

蛇床子

二兩為粗末

朴硝

一兩研

右和勻每服用三錢重水一盃煎三五沸去滓通手

洗摻後末合瘡口

牡礪地黃膏 治癰未破腫痛

大黃

一兩為末

牡蠣

鹽泥固濟煨赤出火毒一宿研令極細取末秤二兩

右用生地黃研取自然汁調塗乾用地黃汁刷濕○

已上各方治癰未破腫痛破後塗角畔餘腫臨時詳酌更換用之。一方單用大黃為末苦酒和貼亦可。一方毛疊菜又名驅風草治諸般癰癰惡瘡貯耳其草葉梗皆有白毛開白花子先綠而後紅顆中有穰子更治風毒脚氣先煮沸水一盆盛出入藥候冷淋洗脚腫消痛住大有功效

黑鉛酒方 治發背及諸癰毒并發腦疼痛侵潰

黑鉛一斤甘草三兩  
微炒

右用酒一斗着空瓶之傍先以甘草置在酒瓶內然後鎔鉛投在酒瓶中却出酒在空瓶內取出鉛依前鎔後投如此者九度并甘草去之只使酒冷病者飲醉寢即愈

治癰疽發背及腦疽不論年遠日久新近諸般惡瘡冷漏股瘡

七八月收自落地茄子花去萼不用又八九月收黃蜀葵花去心萼不用

右並曝乾等分為細末每服用口先含漿水洗瘡令  
淨以軟帛挹乾却以此藥乾摻若稍覺赤腫硬痛時  
用漿水調藥如稀糊以鵝翎掃所患處用紗帛子護  
定如腦疽不須洗只以軟帛拭去膿血乾摻每日一  
易三次神效忌豬肉魚鮓濕麪雞羊鵝油炙燂煎炒  
毒物五十日○陳氏經驗方云余每念世人以疾病  
為苦而庸醫嗜利偶有名方必乘人之急邀求無厭  
不稱其欲則反以致害富者固以不堪況貧者而遭

此故余遇有名方必務廣傳若貴若賤皆得良藥無有疾苦余今得一治發背瘡藥甚簡而有神效勿外藥材易得而生輕慢之心其妙有不可言者余在臨安散施約救五六十人又在金陵散施救濟百餘人知其有神效聖功敬錄此方鏤板傳之四海願皆得此藥悉救病苦如有掩藏此方及毀壞者明神誅殛普願同志廣而傳之此跋不知誰氏所作但觀其辭切切然則所傳必有自而所施必有效余既得之不



敢不廣其傳以成美志云

一名妙勝散

如聖散

治惡瘡背腦疽寒癰吹妳打撲損傷

一名皂針散

甘草

一兩半生半熟

皂角針刺

三錢燒存性

右為細末每服三錢酒調下無時如熱甚即以此下雄尖丸此方屢試有奇効甚者服至數升無害

藤黃煮酒散

治癰疽腫瘡深附骨在腹雖腫皮膚不

熱顏色危惡或癰或疔婦人妳一切血氣不和留畜

臃脹攣皮於筋骨不能行步

鷺鷥藤

莖葉乾用二兩花尤妙

生地黃

乾者一兩

右為粗末酒四升和入大瓶內油紙竹葉牢封瓶懸釜內煮二三百沸香熟後冷就瓶紗濾出酒每服一盞日三夜一溫涼隨時順意服

宣毒一醉膏

瓜蒌

一箇去皮

老翁鬚

一兩半焙

右剉酒水等分同煎少頃入開口正川椒四十九粒臨熟又入乳香沒藥末少許任意服

宣毒方

斑猫

一枚只去翅

好大棗

一枚去核包裏斑猫一入猪腎中線紮青竹葉重包濕紙

果煨熟去斑猫

右空心喫猪腎溫酒下

癰疽毒入臟腑嘔吐惡食方

甘草

焙半兩

丁香

三錢半

右剉每服二錢水煎入麝少許溫服

仙靈散 治癰疽腫毒傳藥收腫斂毒排膿

滑蘭揆皮末紫貝草搗

右同搗酒調為膏傳或密水調亦好滑蘭把毒紫貝散血或單用紫貝草亦效

川烏散 癰疽初發急用

川烏 蜈蚣窠土等分

右細末法醋調傳未結則散已結則潰

收毒外消膏 斂瘡一名內消膏

黃明牛皮膠以長流水半升溶開一兩號丹再煎柳枝急攪五六沸一兩重

右候冷收入磁合以鷄羽攤於瘡上留口如未破傳  
腫自消

保安妙貼散 治癰疽發背腫毒

透明硫黃

為細末

蕎麥麪

各二兩

右用井花水調和作餅焙乾收下要用時再末之  
入乳香少許井水調厚傅瘡上如乾以雞羽蘸新  
水潤之

內托散 治癰腦癰鬚癰髭乳癰癰疽腫毒惡瘡發背

內潰及諸惡毒衝心嘔逆作吐或心疼三兩服見效  
托裏止痛解煩渴退虛熱一方香粉散○如此至瘡  
愈方歇痛則不痛不痛則痛神驗

一名粉乳  
托裏散

菜豆粉

一兩  
研

乳香

一分銀器內慢火炒以手指候  
攪可然急傾在紙上用扇搗冷

研令細入菜豆粉一方用  
一兩乳香坐水中研細

右同研極細每服二錢至三錢惡癰惡瘡並用濃煎  
甘草湯候溫調臨卧服一切癰疽發背內潰及諸惡  
毒氣內行衝心煩嘔極為惡候用新汲水調下一錢

水不須多唯欲在膈上內托毒氣使不內攻日進三兩服可救一命。兼治打撲損傷諸般內損蛇蟲咬傷溫酒調下空心服若些小即內消大損則敗血自大腸去矣凡癰疽膿血出未收斂間常須服之。一方乳豆膏治癰疽腫癰疼痛用萊豆只取肉一兩乳香竹葉裏熨斗熨一分為末酒調傅傘紙調乾則再傅續後換消腫排膿藥。一方或瘡已沉晦用當歸一錢辣桂二錢煎湯調下仍以加味不換金正氣散

為佐小兒豆瘡陷入粉乳散能救之癰瘰攻心嘔悶  
通治○凡有癰疾宜先多服此藥一日至三日連進  
十數服可免變證使毒氣出外服之稍遲毒氣攻衝  
臟腑漸作嘔吐後來遂多致咽喉口舌生瘡黑爛生  
菌名曰心氣絕飲食藥餌無由可進如瘡發三五日  
之後此藥但可間服當別用藥以治之楊氏家藏方  
言有人因鼻衄初愈不曾表汗餘毒在經絡背發大  
疽自背下連腰脇腫甚堅如石色極紫黑醫以涼藥



傳之中夜大嘔及連進此藥三四服嘔遂止既而瘡潰出赤水淋漓四十日而愈又有患瘰癧者痛過輒嘔亦止近見有人病疽醫者不肯用此藥恐傷脾胃愚故引楊氏之言以解世人之惑

秘方白梅散 治一切無名癰瘡腦癰乳癰及小兒軟癰未成者散已成者小未潰者破未愈者定排膿止痛去舊生新其效如神萬金不換一應毒物休食立效

鹽白梅

火燒存性  
研為細末

輕粉

少許不可  
多無亦得

右細末用真香油濃調翎毛蘸抹如成膿未潰中心  
留些休抹通氣抹至膿盡不妨頻抹為妙背癰腿癰  
皆可用

黃芪丸 清心內固

綿黃耆 人參

各半  
兩

右細末入真生龍腦一錢研細用生藕汁和丸菴豆  
大每用三十九丸溫熱水下加至四十九日三服

生肉神異膏 治癰疽壞爛諸瘡發毒

雄黃

錢五

滑石

焙用

右為末洗後慘瘡上外用綿子覆蓋相護凡洗後破爛者用此貼之

治癰毒及癰疽發背初作時貼散立效

一名芙蓉散

闕

右為細末生姜自然汁調如膏傅瘡腫四面留一小竅出毒氣乾則易之其冷如水痛止腫散毒氣盛者

加南星末等分

五香連翹湯 凡惡核瘰癧癰疽惡瘡腦背或灸後更

服亦妙

青木香

三分

桑寄生

二分

沉香

一兩

雞舌香

去頂

一分

木通

一兩

生黃耆

一兩

麝香

二錢

大黃

一兩

酒浸

乳香

藿香

川升

麻

連翹

各半

右為細末每服四錢水一大盞煎至七分任性服畧  
踈通或即取下惡物然後服內托散之類則毒勢易

散不為深害亦有隨即消散者此藥早服為佳

地黃煎 補虛除熱散乳石去癰癰痔疾

用生地黃隨多少用三搗三壓取汁令盡銅器中湯上煮勿蓋覆令泄氣得減半出之布絞去滓碎結濁滓穢再煎令如飴丸如彈丸許酒服日三

枸杞煎 治虛勞輕身益氣一切癰疽

用枸杞三十箇剉葉生至未落可用莖葉落至未生可用根以水一石煮取五斗去滓旋將滓更入釜與

水依前煮五斗并前為一斛澄清去渣釜中煎取二斗許更令小銅鍋子煎令稍稠如飴止或磁器盛重湯煮更好每日早朝服一合半日再初服一合漸加二聖散 治癰疽發背陰匿處通身有數十癰者用乾牛糞燒灰治下節以雞子白調塗之乾復易若已結膿使聚長者方

用括蕒根為末以苦酒和傅上燥復易赤小豆亦佳一方蕒根燒存性為末酒服之

牛膠飲 截癰疽惡瘡發陰處服之如毒氣不攻於內  
可從外面傳之

用牛膠通明好者淨洗乾秤四兩為準用酒一碗入  
膠重湯煮令膠鎔透攪勻傾出更浸酒隨意飲盡若  
能飲者以醉為度不能飲者亦用酒煎却浸以白湯  
飲盡為佳此法活人甚多一方不用酒以湯泡膠一  
方攤紙上隨瘡大小貼之

國老膏 治一切癰疽腫毒由服金石炙燂酒色而成

者初發即預期飲之能令毒不內攻功效不可具述一  
名獨聖湯

用大橫紋粉草二斤搥碎河水浸一宿揉成漿汁濃  
去盡筋滓再用密絹濾過銀石器內慢火熬成膏以  
磁器收入每服一二匙無灰酒浸化白湯亦可曾復  
燥藥丹劑亦解之雖微利無妨卧時一服五更一服  
取下惡物效一方以山泉溪澗長流水一小碗徐蘸  
水慢火炙水盡為度秤一兩為粗末醇酒三碗煎二



碗空心服活血消毒

遠志酒 治一切癰疽發背癰毒惡候浸大死血陰毒

在中則不痛服之即覺痛有憂怒等氣積而內攻則

痛不可忍傳之即不痛或蘊熱在內熱如火逼手不可

近傳之即清涼或氣虛血冷潰而不斂傳之即斂若

七情內鬱不問虛實寒熱治之

凡陰毒在中者不覺痛故傳之即覺痛也

用遠志不以多少泔浸洗去土槌去心為末酒一盞

調藥末三錢遲頃澄清飲之以滓傳病處潁川韓大

夫家累世用此救人其驗如神

又方 治癰疽發背初發時更當服此不問疽生何處  
發眉發頤或頭項或背腰或脇或婦人乳癰或在手  
足

用木連四十九片揩去毛研細酒解溫服功與忍冬  
草不相上下先服忍冬酒後服此

又方

用龍鱗薜荔一握細研以酒解汁溫服亦能利下惡

物去其根本

又方

用紅內消不限多少納磁瓶中入水用文武火濃煎  
臨入無灰好酒與藥汁相半再煎數十沸去滓時時  
服之留滓焙乾為細末酒浸麴糊丸如梧桐子大空  
心溫酒服下三十丸為疾退常服之藥蓋力輕故也

藥產建昌良

茱萸散 治癰疽結未成餅氣凝滯腫結成塊者

用茱萸微炒為細末雞子清調塗病處神效輕者宜用此方若受重者既消而再來一方不用雞子清以醋和塗或醋和小蒜或薑亦可

凡癰疽覺見稍大及發背初作及不問老少

一名樊針正法

以井邊淨泥傅瘡頂上看其瘡上有一點乾處即是正頂先以大筆管一箇安於正頂上却用大馬蜚一條安其中頻以冷水灌馬蜚當吮其正穴膿血出毒散是效如毒大蜚小須三四條方見功腹傍黃者力

大若吮着正穴蜚必死用水救活其瘡即愈累試甚效去毒之一端也若血不止以藕節上泥止白茅花亦妙○馬蜚又名黃蜚本草名水蛭○吳內翰備急方云其姪祖仁一日忽覺背病初腫後益大用此治之逮晚即安

治癰疽惡瘡毒腫赤白遊軫

用五毒草根醋磨傳瘡上亦搗莖葉傳之恐毒入腹亦煮服之效

勝金方 治發背發腦及癰疽熱癰惡瘡等

以臘月兔頭剉入瓶內密封久愈佳塗帛上後封之  
熱痛者得藥如冰頻換瘥

寇宗奭治丹毒發於背及一切癰腫

金星草

根葉  
一分

用酒一大盞煎汁服不惟下所服石藥且毒去瘡愈  
如不欲酒將新汲水調二錢服以知為度

癰疽宣毒方

用黑牽牛去皮取仁入猪腎中線紮濕紙包熟火灰  
內煨香熟候冷溫酒嚼下

又方 治癰疽發背一切瘡腫未結成者服之內消已

結成者服之易潰兼減痛疼

一名金銀散

用老翁鬚草

一名金銀花忍冬草驚驚藤水楊藤左纏花五出而白微香蒂帶紅色野生延

蔓

花與葉生搗煖酒調服無花只用葉酒和葉烘煖

可傳瘡

蜀葵膏 治癰疽腫毒惡瘡

黃蜀葵花用鹽摻收入磁器密封經年不壞患處傳之自平自潰蜀葵子炒碎入宣毒藥中尤驗一方冬葵子為末以酒調之一方無花根葉皆可

涌泉膏 治癰疽軟而瘡頭不破或已破而瘡頭腫結無膿

用斑猫去頭足翅焙為末揉和蒜膏如小豆許點在膏藥中瘡准口處放之少頃膿出即去藥或用綠礬真雀糞少許用餅藥調一點傳瘡頭軟處亦破須四



圍塗藥護之

神授香附湯

治癰腫結硬聚毒作痛

夷堅志云時康祖事夷廣德張

王神授方一  
名蜀聖散

用香附杵去皮用生姜汁浸一宿晒乾末每一錢半  
米飲調下或紫蘇甘草煎湯調下進數服腫硬自消  
有膿即出毒氣散

治癰疽瘡腫方

以紅茂草採根葉焙乾擣羅為末冷水調貼

治癰疽熱毒

用糯米三升揀去粳米入甕盆內於端午前四十九日  
以冷水浸之一日兩度換水輕以水淘轉逼去水  
勿令攪碎浸至端午日取出陰乾生絹袋盛掛通風  
處旋取少許炒令焦黑碾為末冷水調如膏藥隨大  
小裹定瘡口外絹白包定更不要動直候瘡愈若癰  
疽毒瘡初發纔覺焮腫赤熱急以藥膏貼之明日揭  
看腫毒一夜便消

治諸癰疽發背或發乳房初起微赤

以黃蘗末雞子白塗之

又方

以猪蹄兩隻通草六分以綿裹和煮作羹食之

治癰疽痔漏惡瘡及小兒丹方

以蟻螬為末傅上

梅師方 療癰疽發背初覺未成膿者或在胃乳房初起

微赤不急治之即死速消方

以苧根葉熟搗傳上日夜傳勿已消腫

拔毒七寶散 治癰疽止痛

用乾荷葉心當中如錢片不計多少為粗末每用三匙水二碗慢火煎一碗半放溫淋指乾以太白膏傳

沈遇明一方

治癰疽止痛消毒

一名二妙散

荷葉

一兩 藁本

半兩

右為細末如前用

太白膏

用寒石飛過用臘月豬脂調成膏隨瘡大小用薄紙攤貼之

治癰疽已有瘡眼未出膿痛不可忍用此藥紐即膿出用巴豆一箇去皮膜不去心油鹽豉十四箇口中含去皮令軟同研爛入真麝少許如難丸入少稀糊捏作餅或如鼠糞尖或丸子臨時看瘡口紐之只以紙撚子送入藥便不用紙撚子須臾必痛忍之良久膿遂出

治癰疽發背腎癰妳癰一切瘡腫等疾生於險處者一名

散 鹿木

用鹿撲在處人取其業擣汁投溪潭中以醉魚江西人謂之魚酩草紹興人謂之鹿木臘中取根擣剉為咬咀每服用三四大錢無灰酒一大碗煎至七分滓空心食前帶熱服忌葱醬酒等煎時不得犯銅鉄器病深者日進三四服並不用膏藥貼無問男子婦人癰老幼小遠年近歲體虛氣實一切腫瘡凡在身者種

類殊異悉皆治之已潰膿自出未潰毒自消不耗真  
原不動臟腑入少甘草石薺荔同煎尤佳有娠婦人  
不可服

治發背癰疽

只吃白煮蘿蔔不以多少腫散為度極有神效

治癰疽發背

有人患腎大小便皆秘以明淨牛皮炭火上燒成灰  
研極細每服五錢以米飲調下服至二兩許下穢惡

物癰腫遂消不復出膿凡瘡腫皆可服不拘多少以  
臟腑通利為度

治癰瘡疽痔瘻惡瘡

用桐皮水煎傳之

治諸癰腫發背及癰癰已潰爛疼痛

用夜合煎膏消癰腫并續筋骨

治凡患癰疽惡瘡出黯血不止者

取地骨皮不拘多少淨洗先刮上面粗皮留之再刮



取細白穰取麤皮同地骨一處煎湯淋瘡上令膿血  
淨以細穰貼之立效有一朝士腹脇間病疽經歲不  
瘥人燒骨皮傳之初淋取出血一二升其家人輩懼  
欲止病者曰疽似少寬更淋之以至五升許血漸淡  
遂止以細穰貼之次日結痂遂愈

白膏藥 治癰疽惡瘡發背附骨癰等瘡

用草麻子去皮研為泥旋攤膏藥貼之消腫散毒

治癰疽癰毒膿水不出

用芙蓉花煮水竹筒令熟即以水竹筒吸於癰孔上  
即時吸出其膿一方用芙蓉葉或小瓢代竹筒用

麝香散

白礬

明者不拘多少焙  
過畧存性出火毒

右細研入黃丹如桃花色即止却多入麝香如治疾  
後膿水出之不已用此藥乾摻合入瘡口

家猪散 凡破諸瘡肉厚處當先廣封四面不可擦破

氣泄有久患癰疽諸腫毒與疽生脛間及一切無名

惡瘡百藥罔效經年不差或骨疽一名脰瘡深爛青  
黑四邊堅強中央膿血惡汁出百藥治不差汁潰好  
肉處皆腫亦有碎骨從中出者可溫赤龍皮湯洗夏  
月日日洗冬月三日四日一洗潰肉多者可時傳白  
藺茹散須令日三四傳後常傳家猪散得稍差後  
用取猪矢燒作灰下絹篩似粉填敗瘡中令滿汁出  
晚去更傳常傳須差若更生青肉復著白藺茹散如  
前法

染米粉方 療諸癰發背及乳方

用熬染粉令黑雞子白和之以塗練上貼癰小傳練  
上作小口氣令散燥復易

又方

用釜底土搗取散以雞子中黃和塗之加少豉稱和  
以五月蒟及少鹽佳

療發背癰腫熱焮已熱者即出膿未熟者自然消除

用牛蒡根嫩者洗去土勿令見風細切一大升以水

三大升煮令爛絞去滓更盛於瓷器中重湯煎之使如稀糊以塗爛帛貼腫上熱則易之

草烏頭散

治腫毒癰疽未潰令內消已潰令速愈一名

退熱散

取草烏頭用水調雞羽掃腫上有瘡者先以膏藥貼

定無令着瘡初塗病人覺冷如冰瘡乃不痛

昔有人病瘡腫

頗甚以此塗之坐中便見皮皺稍稍而消

神明膏

治癰疽瘡癤毒腫無頭疼痛或有數煩熱氣

毒軟癰以五靈脂不拘多少微炒為末新水調塗於  
故緋絹上貼之

消癰腫

以白欬二分藜蘆一分為末酒和如泥貼上日三良  
一方醋和

治癰疽痔瘻瘡及小兒丹

以水煮棘根汁洗之

治羊疽瘡有蟲痒

以附子八分藜蘆二分為末傅之蟲自然出

疽瘡骨出

用黃連牡蠣各二分為末先鹽酒洗後傅若發疽於  
十指端及色赤黑甚難療若骨疽積年出汁不瘥熬  
末膠粘傅瘡上及破生鯉魚以揄之如炊頃刮視有  
小蟲出更洗傅藥蟲盡則便止

丹癰疽發浸淫進長

用鹿角桂雞屎別搗燒合和雞子白和塗乾復上

癰已有膿當使壞方

用吞薏苡子一枚勿多

又方

以苦酒和雀屎塗癰頭上如小豆大即穿

治癰疽 凡癰疽者肉中忽生一黯子如豆粟劇者如

梅李大或赤或黑或白或青其壓有核核有深根應

心小久四面悉腫疱黯黧紫黑色能爛壞筋骨毒入

臟腑久則不治益不可不慎也治之之法須以快刀



著壞肉處皆割之亦燒鐵令赤烙赤三上令焦如炭  
亦炙黥炮上百壯為佳早春酸棗葉薄其四面防其  
長也飲葵根汁犀角汁升麻汁拆其熱內外療醫丹  
毒發也

治背疽如火熱痛

取野地乾人糞下土井水調塗如水透五臟

治新發癰疽

取高脚地銅盤用水小滴擣取汁熬成膏用紙貼三

二即如結聚多日必多貼或服

治疽瘡

以千年石灰四兩棗木匙一張燒灰為細末貼瘡口  
上茜根燒灰用小油調

治癰疽

用紅蓼葉以口嚼齧之勿令隔手

一應癰疽等瘡

用大葉草透骨草牛藤草搗細用麪欠傅之

托裏藥內加減法

發背丁腫膿潰前後虛而頭痛者加五味子。恍惚  
不寧者加人參茯神虛而發熱者加地黃桔萸根。  
潮熱者加柴胡地骨皮利者加厚朴。膿多者加當  
歸川芎。痛甚者加芍藥乳香。肌肉遲生者加白  
斂官桂。有風邪者加獨活防風。心驚悸者加丹  
砂。口目瞤動者加羌活細辛。嘔逆者加丁香藿  
香葉。痰多者加半夏陳皮。

治癰疽

以惡實子吞一枚出癰疽頭

淋洗法 療癰疽敗爛水不絕

黃耆 當歸 白欬 敗醬 甘草

各二兩

黃芩

川芎

赤芍藥

各一兩半

右剉碎以水九升煎至三升去滓洗瘡百遍以帛挹乾乾即傅膏藥如痛甚以猪蹄汁煮藥佳若夏月以大黃二兩半黃連一兩半同煎此方神甚

藿香托裏散

當歸 升麻 葛根 白殭蟻 藿香 連翹

山梔子 甘草 木通 牛蒡子 各三錢 大黃 黃

耆 茵陳 藿麥

各五錢

右㕮咀每服一兩重酒水煎去滓溫服瘡在下空心服瘡在上食後服。如一二日宜蒜切錢片當頭灸無蒜錢代若痛灸至不痛不痛灸至痛三四日則不宜灸。如一二日宜銀器內煎芝麻油一斤十餘沸

入好酒二碗煎分作五服日夜服之又宜內托散○  
如一二日宜大黃水煎服得利為度有熱者用之如  
常喜服丹石炙燂之人宜粉草節熬膏臨卧服五更  
服○如二三日宜遠志洗淨為末酒調清服仍調濃  
傳瘡上熱則涼痛則止又宜灸足三里穴○如三四  
日已用前法合用香藥透達經絡宜五香連翹餘無  
熱去大黃○如已潰血熱宜十奇散虛冷未潰亦服  
蓋未潰不可用熱藥已潰用熱藥不可用涼藥○如

癰疽人有證為難治宜隨證治之渴治渴泄治泄汗  
治汗宜黃芪白朮小麥等

麒麟竭散 大治發癰疽毒瘡至妙

麒麟竭

研

赤茯苓

為末

沒藥

研

甘草節

槌碎各一兩

老天

羅子

一箇連皮切  
破新者二箇

右用蜜一兩無灰酒二升於銀石器中煎天羅子甘  
草節至三盞分三服調前藥如曾服金石毒發先喫  
猪羊血方得服藥如不曾服金石藥只是氣結更不

必用猪羊血却以天蘿子酒調併進三服其瘡自穿  
痛立止未成膿者即自消散已穿後又進三服候膿  
化取下積熱毒如魚涎並不動臟腑

殊聖膏 治一切癰疽腫毒不消

蝸牛

二箇  
細研

瓜蒌穰

彈子大五  
塊為末

黃蜀葵花葉

皆可為  
末用二

錢

右用蜀葵花搗汁以前藥末和研稠粘塗瘡上留口  
日三換元方云三日效退用一日見效



化毒散

治癰疽惡瘡毒發背腦疽及婦人妳癰等疾

背陰草

生於深岸大澤及山谷小澗中背陰之地葉似香蒿

金銀藤

即忍冬花藤

右各用一大握剉碎入酒一升同煎至一升去滓再投熱酒一升攪勻分二服放溫服以所煎滓塗瘡上藥到即便痛止未成者即消已成者即收斂穿潰至妙

五白散

治癰疽發背熱成赤腫及穿不瘡婦人妳癰

等疾

香白芷 白鮮皮 白芨 白薇 白欬

各等分

右為末每三錢入乳香末一字新水調服併塗瘡上  
出蟲膏 癰疽敗及骨疽

用自死蝦蟇一枚頭髮一把以猪膏一斤半分二服煎  
之消盡下之欲冷內鹽一合攪和以膏著瘡中日一  
易蟲出盡愈

又方 瘡口已成大窟

桑白皮

一分 當歸 半分

右為末乾摻外用艾葉蘸蜜水研細塞口

桑白散 治瘡口有熱攻焮作痛赤爛淫汁

桑白皮

新者一兩

苦參

槐花

天花粉

晒各半兩

右杵細末乾摻仍煎苦參桑白皮湯盪洗瘡者加檳榔輕粉

五香連翹湯 志寧載在易簡備為癰疽全功審其治

法要在宣熱拔毒托裏排膿其方縱不落連翹增丁香投之亦大驟宜先行發散有川芎香黃散及白芷

大黃等分細末蜜醋調傳赤腫痛處蜜湯亦得一日  
一換差次則拔毒圓明礬一兩枯為末蠟丸桐子大  
每服三十九丸無灰酒下定毒不走托裏則有審香散

川升麻

商陸根

大黃

各半兩

黃降真

吳薑黃

明白礬

研飛各一分

右為細末溫水調服腫處便覺徹骨涼冷其腫立消  
已破去白礬未破用白礬治一切癰疽腫毒已破未  
潰抽風內消神效無比

治癰疽急服此藥

腫癰尤  
易見效

或新或陳瓜蒌一箇連殼穰剉碎入平椒十粒去目  
閉目者不用生甘草五寸剉乳香三塊皂子大用無  
灰酒三大盞煎至一盞澄清溫服一兩立效

大車螯散

大戟 芫花 菊花 檳榔 漏蘆

已上各  
半兩

大黃

黃芩

各三  
分

輕粉

一  
錢

右為末每二錢入車螯一錢輕粉一錢和勻五更初

芥菜湯調下如人行五里久取下惡物三四行止自  
住少壯者加一錢

小車螯散

車螯 輕粉 甘草 大黃

各等分

右為細末和勻作一服用瓜蒌一箇酒一碗同煎空  
心調下前藥

神效膏 治癰疽一切毒瘡

竈灰汁

即是餅藥

蠣殼灰

篩細

糯米

春白

右先將瓦盆在日裏曝要得少溫仍將一把灰一把米層層撒在瓦盆內其灰米上約留半寸入餅藥就在日裏曝灰米發變如角黍然時或添餅藥在日曝如用藥時取上件藥以淡餅藥調之入鉢中研成膏用手傳在瘡上以早為上如瘡方發腫時便可傳藥纔乾便傳以消散為效不可中輟其腫又移在別處再以藥仍前傳之纔移便是作效如瘡已聚膿血則藥傳四畔只留其頭使之血出亦以盡瘡口合為度

其瘡口或反膚有破損處千萬不可傳藥不可忍如婦人小兒只宜用清水或十分淡餅藥調之或以信紙先安在瘡上然後藥傳紙上更宜斟酌無日則以火代之先用餅藥在溫火上薰熟既入米灰則不可用火薰

百花散 治一切癰疽及諸惡瘡

黃蜀葵花

七枚 乾者

黃蘗

半兩 厚者 去粗皮

黃連

去鬚 二錢

山梔子

三枚 去殼 鬱金 一枚



右為細末每用藥末五錢許即入白芨末一錢和勻  
井花水調如腫未成頭即用芫子傳藥於腫處以薄  
連紙蓋之腫消紙落或未消即再用藥如已有頭以  
紙條子傳藥放寬圍之漸次圍近使毒氣不外侵生  
肉如欲別用藥蝕頭亦周圍用藥條圍之撮膿盡以  
真麻油調不入白芨以雞毛掃瘡口如大即入白芨  
更用桃奴末一錢正名桃梟乃是桃實着枝不落經冬不用者正月採用麻油  
調量瘡口大小煎拆熟青絹早晚蘸藥貼瘡上候瘡

平即止治小兒軟癰尤妙如患瘰癧止用五味藥新  
汲水調攤連紙上臨卧時貼兩三次見效

大黃湯 宣熱拔毒孫真人單煮大黃一味服取快利  
後人增二味效著如神

大黃 一兩 木鱉仁 半兩 甘草節 二錢半

每服三錢入少酒煎

五香連翹湯

木香 沉香 三分 丁香 半兩 連翹 去心 獨活 三分或射

羌活炒

干 升麻 黃芪 木通 桑寄生

最治此疾如無倍升麻

右為細末每服三錢煎至七分入銀少片同煎此李氏方無大黃者多服不妨與漏蘆湯間

又陳無擇方

同前加乳香蒸大黃一兩每服四大錢水二盞煮半空心熱服未利再進利下惡物為度

千金漏蘆湯

漏蘆 連翹

黃芩

白飲

枳殼

去穰  
麩炒

升麻

甘草

炙

麻黃

一兩去根節

大黃

一兩半炒

朴硝

一兩研後入

右為末每服二錢薑三片薄荷三葉水一盞煎空心溫服利下惡物為度

又方名絡石飲

採葉并根約一蘿淨洗樁取自然汁二盃每汁八分蜜二分取性飲之滓傳瘡一宿消去已潰即可出本草神效

木香散 治瘡難消不能作膿痛不止

地骨皮

一兩 去皮

木香

半兩

穿山甲

一錢 炙黃

麝香

一字

右為細末酒調下三錢及小兒癰後生癰米湯調下

效如神

止痛膏

治脂癰痛徹骨髓脚根腫痛

泥蜂窠

作窠於壁門蟻蛉窠也 搗持下間有之

乳香

少許

右同碾勻用新冷水調塗之痛立止一方用醎醋調

療蜂窠癰

用黑蜂窠調泥法醋傳之纔乾又傳痒而不痛立效

右方得之循州謝推官雷仲渠家三世施此藥鄉人言是獲登第之報

治諸腫毒欲作癰疽者

用赤小豆末以水和塗便可消散毒氣今人往往用之有效

治癰疽

以蚌珠煮汁洗之

主解毒癰疽神效

以釵子股萬州者佳用草莖以水煎服

療患毒癰疽或連陰脾疼痛急攣牽入小腹不可忍一宿則殺人

用苗香苗葉搗取汁一升服之日三四用其滓以貼腫上冬中根亦可用此外國方永嘉以來用之起死神效

治一切癰疽及發背

用白冬瓜一二斗許大冬月收為菜壓去汁蜜煎代

果遇患處者削一大塊置瘡上熱則易之分散熱毒  
氣甚良

治初患瘡發背脇間未辨癰疽者若陽滯於陰即為癰  
陰滯於陽即為疽癰即皮光赤疽即皮肉紋起不澤  
以葫柴皮者切作片子厚一分覆之用艾灸如痛灸  
至不痛如不痛灸至痛初覺即便灸無不效者仍審  
度於正中心貼葫灸之世人往往忽略此瘡初見其  
瘡小不肯灸惜哉



治癰疽生臭惡肉

以白蘭茹為散傳之看肉盡便停但傳諸膏藥若不  
生肉又傳黃耆散惡肉仍不盡者可以漆頭赤頭蘭  
茹為散用半錢匕和白蘭茹散參錢匕合傳之瘡  
治金石藥發動作癰疽渴疾

以菩薩石用水磨服之

治癰疽初發速用即安

鯉魚灰酸醋調傳

又方

獨蒜細研麻油調厚傅乾即換愈

治石癰無膿者

生商陸根研傅頻換

又方

狼拔子出泉州一二粒挫細酒下利三行愈或只用

水下

治臀疽

乳香田螺研勻

又方

破故紙炒熟研細酒下

治癰疽

以紫貝殼燒煨為灰傳之

治癰疽

以紫荊木煮汁服之

地黃膏 治一切癰疽兼治毒蟲所傷

石膏

火煨

藿香葉

蚌粉

香白芷

雄黃

研

右等分同為細末以生地黄自然汁調稀稠塗瘡上  
四圍留瘡頭已破者亦留瘡口勿塗乾即再傳之藥  
厚以新水潤之其效如神

神效膏

治癰疽發背熱毒氣結腫痛堅硬上疼痛

木通

剉

甘草

炙

當歸

剉

白芷

防風

去

蘆細辛

去苗

梔子仁

黃連

去

黃芩

去

鉛丹

六

垂柳枝

剉

二蠟

半斤  
兩清油

一

右除丹蠟油外碎剉先以油內浸藥一宿於火上煎  
候白芷赤黑色絞去滓再煎即下丹蠟柳篋攪後變  
黑色滴水中成珠子軟硬得所覓合盛故帛攤貼日  
二次以瘥為度

治諸疽附骨癰根在臟腑歷節腫出丁腫惡脉諸毒皆  
瘥

露蜂房 亂髮 蛇皮

右三味合燒灰酒服寸七日三

普濟方卷二百八十四

欽定四庫全書

普濟方卷二百八十五 明 周王朱橚 撰

癰疽門

癰疽等瘡內消法

附論

夫治病必先求其本而後治其標癰疽諸瘡雖發于外而本乎中熱之所出始覺經絡壅滯氣血悶鬱有瘡瘍之證則熱氣初作榮衛未得肌肉未腫腫而未腐之時可疎滌風熱通導而去之逮其毒氣已結則不可論內

消法恐熱毒不出反致內攻適以傷之先後遲速之用不可不審

方

黃連獨活散 治背疽一切惡瘡初發腫甚者服三服即消除

羌活

一錢半

獨活

五錢

防風

五錢

藁本

一錢半

黃芩

一錢半

連

五錢

當歸身

三錢

知母

一錢酒

生地黃

一錢酒

連翹

一錢

錢三黃耆

一錢半

防風

稍分五

人參

五分

陳皮

五分

蘇木

五分

甘



草身

一錢一分半  
用酒微炙

黃栢

一錢半

當歸稍

五分桔梗

一錢澤

瀉

七分

甘草稍

半錢

漢防已

五分

右吹咀只作一服水一碗煎至五分入好酒半盞臨

卧服滓再煎接續服即瘥

寒水石膏

治一切癰疽發背熱毒猛異攻肌肉赤色

腫痛不可忍欲成膿及已成膿并風毒熱在關節欲

結成癰便令內消

寒水石

二兩

羊蹄根

一兩

硝石

一兩

丁香

三兩

川大黃

一兩

白斂

分三

木香

分三

附子

分三

去

黃連

分一

去

榆白皮

分三

剉

莽草

分三

赤小豆

分一

漢防已

分一

半夏

分三

玄參

分一

甘

草

生剉

右為細散每用時以生蜜一合地黃汁一合旋調以成膏攤於生絹上貼乾即易腫消為度

小犀角丸

治腸癰乳癰發背一切毒腫服之化為水

巴豆

二十二枚

去皮膜

必炒出油細研之

大黃

蒸焙

一分

當歸

去蘆

一兩

犀

角

三

梔子

去

乾蓼藍

黃芪

去

升麻

黃芩

防

風去  
人參

甘草

炙各  
一兩

右為細末入巴豆勻煉蜜搜和為丸如梧桐子大每服三丸溫湯下利三兩行喫冷粥止之不利加至四五丸初服取快利後漸減丸數取微溏泄為度老少以意加減腫消及和潤乃止利下黃水覺腫處微皺色變即是消後一切腫皆內消神驗不可論忌熱麪蒜猪肉蘆笋魚海藻菰菜生冷粘食

排膿內消散

治癰疽發背活血排膿消毒紅內消即

紅散

何首烏

兩

當歸

川芎

生地黃

川續斷

各洗

焙

芍藥

白芷

半夏麴

蘆薈葉

紫草茸

甘

草

灸各二分半

茯苓

兩

右為末每服三錢新水二分酒一分薑棗煎服有熟者加燈心只用水煎服之

內消散 凡是癰疽皆宜服之

人參

甘草

瞿麥

各二兩

赤小豆

醋一升

浸熬

升

當歸

猪苓

黄芩

各二兩

白欬

薏苡仁

黄芪

各三兩

防

風

一兩

升麻

四兩

右治下篩以酒服方寸匕日三夜二常服取瘥

花藥石散

治癰疽始發未變膿令內消

花藥石

火煨

黃蜀葵花

龍骨

塗酥炙研

鬱金

剉

胡粉

烏賊魚骨

去甲

草龍膽

去土

梔子仁

大黃

剉各

一兩

右為散量多少許津唾調成稀膏傅之頻以唾潤日

一易

瞿麥散 排膿止痛利小便從小便出毒氣

瞿麥穗 赤小豆 當歸 川芎 白芷 黃耆

赤茯苓

各半兩

辣桂

甘草

各二錢半

右末每二錢半酒調下

乳香散 治諸癰腫初發及火灼乳癰內消

乳香

半兩

水銀粉

一分

黃蘗

二兩半

白芨

一分

白歛

鉛丹

大黃

各一兩

右為細散水調貼之有膿時乾摻

消毒散 內消癰疽惡毒

當歸

白芷

甘草

生

赤小豆

紫草茸

各半兩

貝

母

三兩

右為散每服三錢空心酒溫調下日再服

內消托裏散 治諸癰癤

紅內消

山蜈蚣

蝦秋螂

山茨茹

甘草節

各等分

右為散每服三錢酒二盞煎取一盞服

牽牛子散 治一切癰疽瘡癤焮腫未穿先踈通臟腑

牽牛子

二兩一分半生一牛炒

木香 青橘皮

湯浸去白焙

陳麴

炒各

兩半

右為末每服三錢五更初以生姜茶調下至天明通轉三兩行自止後以薤白粥補之

鄭殿選方 治癰發背七日前腫毒未潰者宜服則化

膿血惡水自小腑中出去其毒自消

瓜蒌

一枚

甘草

三寸乳香

皂核大研

皂角刺

半兩去骨取皮



右細末好酒三升銀石器內熬至二盞微溫兩次服

大全內消散

一名羚羊角散

內消癰疽惡毒纔覺便服亦治

發背

穿山甲

截片以穀芒糠炒脆三兩

當歸

半兩

甘草

二錢半生

右為末每服三錢溫酒調下一方甘草根浸酒調下

內消散 治瘡腫久不愈

皂莢刺皮

一兩為末

乳香

研二錢

右為末勻和每服二錢酒一盞煎至七分溫服其毒

內消或微利是效

內消散

治發背癰疽腫毒痛苦不可忍者

一名小車螯散

車螯

一枚背上紫色光厚者是用黃泥裹定火煨通赤放冷去泥擣為末

右一味以括婁一枚打碎用酒一碗於銀石鍋內慢火熬及一盞瀝去滓入膩粉一錢匕同以酒調晚後服之取下如魚涎為驗

內消散

癰疽毒方萌纔覺便服及治血氣凝滯手足

赤腫

一名穿山甲散一方蛤粉內炒穿山甲

用穿山甲插入穀芒熟灰中候焦黃為末入麝隨意  
每服二錢半溫酒調下或瓜蒌煎酒下尤妙日進兩  
服

治些小癰癤方結未成不可用膏藥貼宜以藥塗使自  
內消方

取生鹿角尖於砂盆內同老米醋濃磨時以鵝翎塗  
拂於癰癤四圍當中留一口遇乾再塗一二日即內  
消

癰疽疔方

每覺有些小癰疽疼痛發熱時便用生粉草節不炙  
不焙只日曬乾若無日於焙籠上微火烘乾碾為細  
末以熱酒調三二錢服連進數服疼痛與熱俱止

螞粉散 治一切癰腫未成膿者拔毒

以牡蠣白者為細末水調塗乾更塗或乾貼效一方

治軟癰用油調

治一切癰腫未破疼痛令內消

用生地黃杵如泥隨腫大小攤於布上摻木香末於中又再攤地黃一重貼於腫上不過三五度即瘥

漏蘆煮散

治瘡癰癰腫內消

方見癰疽類漏蘆湯

蠟礬丸

治癰疽發背癰瘰漏瘡惡瘡衛護內膜驅解

諸毒自然內消神效

方見諸癰疽類黃礬丸

木占斯散

治癰疽已成膿水內消

方見發背類枯梗散

內消丸

治癰腫初生及癰瘰結核熱毒癰滯服之內

消

薄荷葉

皂角

不蛀者各半  
斤水煮熟

牽牛

半斤取  
頭末

青皮

陳皮

各一  
兩

上沉香

半  
兩

廣茂

泡三  
錢

荆三稜

泡三  
錢

右為細末并勻頭末用煎膏和丸如豆大每服三十

丸煎連翹湯送下食後

癰疽托裏法

附論

癰疽諸瘡氣血虛微肌肉寒冷膿汁清稀毒氣不出瘡  
久不合或聚腫不赤結硬無膿外證不見者並宜托裏  
邪氣外散膿汁早成毒有所泄而不內攻也

方

木香散

治發背癰疽一切瘡腫托裏排膿

木香

黃耆

細坐白欬

木占斯

芎藭

當歸

焙切

細辛

去苗葉

桔梗

赤芍藥

檳榔

生判

敗醬

甘草

灸桂

去粗皮

羌活

去蘆頭

白芷

各一兩

右為細末每服二錢匕甘草煎酒調下空心午時日

晚各一服以瘥為度

內塞散

治癰疽日漸炊長

續斷 人參 芍藥 熟地黃 附子 枳

炮裂去  
皮臍

穀

去穰  
麴炒

甘草

炙

芫薺

細辛

去苗  
葉

桂

去粗皮  
各一兩

檳榔

剉一  
兩半

黃耆

剉

當歸

切焙各  
二兩

肉蓯蓉

切焙酒  
浸三分

蜀葵

去  
目

并合口者炒  
出汗半兩

右為散每服三錢七空心溫酒調下日再服

補虛助氣飲 治諸癰疽踈轉後宜服

黃耆

剉一  
兩

人參

白茯苓

去黑  
尖

甘草

炙

五味子

芫薺

獨活

去蘆  
頭

桂

去粗  
皮

青橘皮

湯浸去白  
焙各一兩

麥門



冬

焙去心

當歸

切焙

杏仁

去皮尖雙仁炒黃

熟乾地黄

焙各重一兩半

右搗篩每服五錢水一盞半生姜三片棗二枚去核

煎至八分去滓不拘時服

托裏扶苓湯

防風 桔梗 芍藥 五味子 川芎 甘草

熟地黄 麥門冬

去心桂去粗皮各一兩

當歸

黃耆

茯苓

苓

各一兩半

右為末每服五錢水一盞半煎去滓溫服

托裏榮衛湯 風木之性上衝顏必忿色其人多怒其  
瘡之色亦黑赤腫硬微帶黯色其瘡之形亦奮然高  
起結硬而作痛也其脉止在左手左手主表左寸外  
洪緩左關洪緩而弦是客邪在於血脉之上皮膚之  
間宜急發其汗而通榮衛則邪氣去矣

黃耆

半兩

防風

二錢

連翹

二錢

羌活

一錢

甘草

炙一錢

黃芩

一錢

人參

一錢

當歸身

一錢

蒼朮

三錢

紅花

三錢

桂枝

五分

柴胡

錢二

錢二

右咬咀只作一服水酒各一大盞同煎至一盞溫服  
內托千金散 治腦背癰疽乳便等惡瘡

人參 當歸 瓜蒌 白芷 官桂 黃耆 芍

藥 川芎 防風 甘草 桔梗 金銀花

各三錢

右咬咀每服須秤七八錢重水二大盞煎至七分入  
酒半盞去滓溫服如痛甚者倍加當歸芍藥或加乳  
香二錢日進三服一服之後瘡口內有黑血出者或  
遍身汗出皆藥之功效也如病勢猛惡須稱藥一兩

水一大碗煎服未成膿者自散已成膿者不用針砭  
自透此藥累經功效

內托散

當歸 芎藭 黃耆 厚朴去皮 桔梗 防風 甘

草

炒

官桂

去皮

人參

白芷

芍藥

各一兩

右為細末每服三錢溫酒調下或木香湯亦得此藥  
專治癰疽潰後內虛者或氣弱人初覺生瘡瘍亦可  
服內消宜詳細用之一方無芍藥加大黃焙除桂末

另研將各藥慢火焙乾為末後攤紙上出火毒然後  
將桂末拌和前藥調服

御用托裏散

當歸 赤芍藥

牡蠣

大黃

初覺者倍  
加火煨

山梔子

黃芩 瓜蒌

白角針

金銀花

朴硝

連

翹已上各  
等分

右為呖咀每服三錢水一大磁盞同煎至七分去粗  
滓服不拘時候

治一切惡瘡發背疔疽癰等瘡初出者只一服便消去  
毒腫甚欲作膿者喫二服能消膿收腫散血毒止痛  
甚妙如神

用黃耆甘草各五錢水煎服

托裏黃耆湯 治癰疽諸瘡潰後膿出多內虛亦治發

背

黃耆

細剉

白茯苓

去黑皮

桂

去粗皮

麥門冬

去心焙

當歸

切焙

人參

甘草

錢半

遠志

去心各一兩

五味子

一兩半

右篩每服四錢水一盞半煎取一盞去滓溫服不計  
計時候日二

玉藥托裏散

黃芪

錢四

人參

白芍藥

當歸

乳香

熟地黃

蓮花葉

沒藥

甘草

各三兩

右為末每服七錢酒水各一盞同煎至七分去滓溫  
服滓再煎不拘時如有熱加連翹三錢

托裏當歸湯

當歸 黃芪 人參 熟地黃 川芎 芍藥

柴胡

甘草

炙各一兩

右為末每服五錢水一盞煎至六分去滓食前溫服  
托裏散 治癰疽欲發未潰及已潰服之內托不使透  
膜

瓜蒌子

去穰

鬼腰帶皮

皂角刺

射干

即仙人掌根開

紅花者是

天蘿瓜

茴香

木鱉

五个去殼

漢椒

各一兩

右焙乾為末麪糊調作餅炙乾每服二三錢酒調下



不飲酒木香湯調下

托裏散

川烏頭

炮

茯苓

各三兩

乾薑

炮

麻黃

去節

甘草

各一兩半炙

杏仁

炒去皮尖

五味子

桂心

各一兩

右為粗末每服五六錢水一盞半煎至一盞去滓食

前溫服

托裏六倍散

治癰疽

黃耆

細剉分膿多倍之

赤小豆

三兩分口

芎藭

半兩若肉末生倍之

枯萐

去皮三分小  
便不利倍之

白欬

三分瘡口  
不合倍之

當歸

切焙一兩  
苦痛倍之

右為細散溫酒服三錢日三夜二凡癰疽大堅者未  
有膿半堅半有膿當上薄皮都有膿便可破之其破  
之法宜用逆上破之令膿易出膿深難見上肉厚宜  
火灸之若外不別有膿可當上按之內便隱痛中央  
堅者未有膿按之更痛於前者已熟也

內追毒丹清心解毒散

大硃砂

雄黃

各五錢

生麝香

一錢

生犀角

琥珀

已上

並別  
研細  
黑角沉香  
各五錢

右為末煉蜜丸梧桐子大每服二十九燈心薄荷湯

下

黃耆茯苓湯  
治諸瘡潰後托裏除虛熱

黃耆 白茯苓 官桂  
去皮 麥門冬 五味子 川

烏  
各一兩

右為粗末每服五錢姜三片棗三枚水一盞半煎一

盞去滓溫服食前日三服

五香散 治癰疽內攻五臟煩悶不安排膿托裏或似癰癰而使人頭痛惡心寒熱諸熱毒腫痛結核

沉香

剉乳香 研

丁香

木香

藿香

各一兩

右為細末入乳香和勻先以清酒五升黃耆五兩寸截餅內封閉浸一宿旋取一盞微溫調下一錢七日三夜二不可犯鐵器一方水煎服無黃耆服候瘡出膿加當歸半兩

保安湯 治瘡托裏或已成者速潰

瓜蒌

新者一箇  
去皮尖焙

金銀花

十兩

沒藥

通明者  
一錢研

甘草

生

薑

各半  
兩

右為細末用無灰酒三升於銀石器內煎至一升分作三盞三次飲盡病微者只一服如托裏藥不能發散必作瘡者用此

黃耆托裏散 托裏內虛止痛

黃耆 白茯苓

各一兩

甘草

生二錢半

乳香

別研一錢半

右末每二錢酒一盞慢火煎如膏再添酒調服內虛

加當歸

托裏玄參散 治托裏止渴解熱煩渴

玄參 人參 甘草 炙 乾菊花 各等分

右為細末每服二錢葦豆湯調下亦名內托散

托裏散

瓜蒌 一箇 去皮 生甘草 一寸

右剉細用酒一盞煎至七分食後溫服

生犀散 托裏排膿

以皂角針不拘多少粗大紫者藏瓶中鹽泥固濟炭  
火燒過存性放冷出碾為細末薄酒微溫調下暑月  
陳米飲下

神仙截毒法 治癰疽發背一切惡瘡等預服此毒氣不  
內攻可保無虞

以真麻油一斤銀器內煎熬數十沸傾出候冷用無  
灰酒兩碗浸油內約至五大盞許重湯溫稍熱通口  
急服一日盡之為妙感疾數日亦宜急服之聞獵者

云凡誤中藥箭急飲麻油則藥毒不行後於西山親

覩人被虎箭穿股者號叫不忍聞急以麻油灌之良

久遂定

此法傳授之於吳安世云吾家三世用之無不驗之聞鄭學諭德甫云渠尊人曾用之有

驗故備錄之

粉乳托裏散

癰疽初發便服或毒氣入裏衝心煩悶

吐嘔嗽喘以治泄瀉急用此頻服托裏出毒氣自內

發起於外此藥又能消已發未發皆可服神效

方見諸癰

疽類治未病方內托散



內補防風散 治癰疽熱退膿不止托裏

方見諸癰疽類內托散

托裏散 消治瘡毒疽癰發背腫毒等

甘草

一兩

黃耆

半兩

桔梗

半兩

青橘皮

半兩

右為細末每服一錢水一盞煎三沸去滓溫服食後

臨卧

托裏連翹散

栢葉

半兩乾者

黃耆

一兩炙

萱草根

半兩

乳香

一分研

甘草

半兩

連翹

半兩

右為末溫服或酒或米飲下一錢服不拘時

癰疽大小便不通

癰疽之人經絡壅閼氣血結聚榮衛津液因以虧燥邪熱內鼓流注於大小腸氣不疎通故大小便俱不通治法宜通其閉塞導去邪毒使勢無深入穿通腑臟善治之法也夫癰背大小便不通者由客於經絡血否澀則生熱蘊結成壅氣壅在腑臟熱入腸胃故令大小便不通也

方

玄參丸 治發背及諸癰腫大便小便不通心腹壅悶

煩躁

玄參

一兩

川升麻

三分

梔子仁

半兩

黃芩

一兩

黃耆

三分

川

大黃

二兩

剉

沉香

三分

甘草

半兩

剉

藍葉

半兩

犀角屑

三分

木通

三分

剉

連翹

三分

川芒硝

二兩

右為細末煉蜜和搗三百杵丸如梧桐子大不計

時候煎竹葉湯下三十丸以通利為度

時

小麥湯 治癰疽取利下後熱微退小便不利

小麥

三合人參

甘草

炙

芍藥

剉

石膏

碎

黃耆

細剉

木

通

剉生乾地黃

焙

升麻

黃芩

去黑心

前胡

去蘆頭

各半兩

麥門冬

去心焙

三分

右搗節每服五錢用水一盞半入竹葉七片大棗三枚擘破同煎至一盞去滓空心溫服日晚再服

蘧麥散

治諸癰排膿止痛利大小便

蘧麥

赤芍藥

各一兩

黃耆

剉

當歸

剉微炒

各二兩

桂心

赤小豆

微炒各一兩

川大黃

剉碎微炒

滑石

各二兩

川朴硝

二兩

芎藭

白欬

麥門冬

去心各一兩

右為細散每於食前以溫水調下三錢以利為度

內疎黃連湯

治癰逆發熱而煩脉沉而實腫硬心悶

而皮肉不變色根繁深大病遠在內藏腑秘澁當急

疎利之

黃連

山梔子

芍藥

當歸

木香

薄荷

連翹

黃芩

桔桔

甘草

已上各一兩

右為末每服一兩水一盞半煎至一盞次後加大黃一錢再服加二錢以利為度如覺無熱證大便不秘澀止用復煎散時時服之少有熱證大便秘澀則加大黃如此內外皆通榮衛和調經絡自不遏絕矣

玄參丸 治發背諸癰腫丹石藥毒頭痛壯熱大小便不利

玄參

一兩

升麻

梔子仁

黃芩

去黑心  
半兩

黃耆

細剉  
三分

大黃

剉焙  
一兩

吳藍

半兩

犀角

磅碎  
三分

木通

剉二  
兩

連翹

三分  
朴

硝研一  
兩半

右先以十味為細末再同朴硝研勻煉蜜和丸梧桐子大每日空心米飲下十五丸如不利加至二十丸取快利三兩行為度瀉下膿化為黃水即瘥

檳榔丸 治癰腫發背一切惡瘡及乳癰結聚腫硬熱痛大小便秘澀

檳榔一兩 芫薺半兩 羌活半兩 川大黃二兩 剉碎微炒 羚羊角屑

三人參半兩 去蘆頭 枳殼 牽牛子二兩一分 半生一半微炒 陳

橘皮

半兩湯浸  
去白穢焙

右為細末煉蜜和搗三二百杵丸如梧桐子大每於  
食前以粥飲下三十丸以利為度

木香丸

治發背一切惡瘡及乳癰結聚腫硬熱痛臍

腑餘毒開澁可服通泄調氣解毒亦治石癰

木香

一兩  
兩檳榔生剉  
三分

芎藭

羌活

去蘆頭  
各半兩

大黃

剉炒  
一兩

附子

炮裂去  
皮臍

人參

各半  
兩

枳殼

麩炒去  
穢三分

牽牛

一兩半  
炒半生

陳橘皮

湯浸去白  
焙半兩



右為細末煉蜜為丸如梧桐子大以瓷合內盛之每日空心粥飲下三十丸通利一兩行如不利加至四十丸五十丸以通疎為度甚者夜卧時更服二十五丸

蘧麥散 治發背癰瘡腫大小便不通心腹壅悶

蘧麥

一兩滑石

一兩

梔子仁

一兩石常

一兩

玄參

三分絡

石川大黃

一兩剉碎微炒

黃耆

一兩

紅雪

二兩

右為散每服四錢以水一盞入葱白二莖煎至六分

去滓不計時溫服

葵子散 治發背腫硬痛大小便不通心神煩悶

葵子

二兩

川芒硝

二兩

當歸

黃芩

二兩

木通

一兩

甘草

半兩  
生剉

麥門冬

一兩  
去心

羚羊角屑

三分

右為散每服四錢以水一中盞煎至六分去滓不計

時候溫服

木通散 治癰疽臟腑氣壅大小便不通

木通

剉

黃芩

各一兩

梔子仁

三分

漏蘆

川大黃

剉碎  
微炒

木瓜根

剉

甘草

炙微赤剉 各一兩

川朴硝

三兩

右為粗散每服三錢水一中盞煎至六分去滓不計時溫服以通利為度

木通散 治發背癰毒氣攻臟腑大小便不通

木通

剉

黃芩

去黑心 各一兩

山梔子

去皮

漏蘆根

土瓜根

大黃

剉

甘草

炙剉各 三分

右搗篩每服五錢用水一盞半煎至一盞去滓下朴硝一錢再煎三兩沸空心溫服未利再服

內消升麻湯 治人年四十以前氣血盛多若患瘡疽

大小便秘者一方治癰疽內消

大黃 升麻 當歸 黃芩 枳實 芍

去腐枳實炒去穢一

藥

各二兩五錢

甘草

炙剉一兩半

右咬咀每服五錢水一盞半煎至七分去滓食前稍

熱服

大麻仁丸 治發背一切癰疽臟腑滯澀大小便不通

大麻仁

一兩半

木香

兩半

枳殼

一兩起炒微黃去穢

甘草

三分生剉

川

大黃

剉焙微黃一兩

牛蒡子

一兩微炒

右為末煉蜜和搗三二百杵丸如梧桐子大不計時  
候以溫水下三十丸通利為度

山梔子湯

治表裏俱熱三焦不通發背疽瘡及癰癰

大小便不利

山梔子仁

十五枚

大黃

剉微炒二兩

黃芩

去黑心一兩半

知母

焙

甘草

炙剉各一兩

右搗篩每服五錢用水一盞半煎至一盞去滓下芒

硝一錢空心溫服日再

大黃散 治癰疽臟腑壅熱太過心神煩悶大小便不

通

川大黃

剉碎  
微炒

川升麻

梔子仁

川朴硝

葵子

各半  
兩

右藥剉碎用水二大盞煎取一盞三分去滓分溫三

服以快利為度

芒硝散 治發背大小便不通心神燥熱臍腹妨悶方

川芒硝二兩 川大黃一兩 碎 梔子仁一兩 甘草一兩 生剉 黃

芩一兩

右為散每服四錢以水一中盞煎至六分去滓不計時候溫服

朴硝丸 治癰疽瘡發大小便秘澀不通

朴硝研 大黃碎 杏仁湯浸去皮尖 雙仁炒研 葶藶子微炒各二兩

右先以三味為細末入朴硝和勻煉蜜為丸梧桐子大每食後煎黃耆湯下二十九丸以通利為度未利再

服

大黃湯 治年未及四十氣血強壯常苦癰疽無定大

小便不通五利及治發背上攻於妳一名五利大黃湯

大黃

剉微炒

升麻

各二兩

黃芩

去黑心一兩

梔子仁

十枚去皮

右擣篩每服五錢用水一盞半煎至八分去滓下芒

硝一錢空心溫服快利三兩行為度未利再服一方

甘草二兩炙內去芒硝

導毒丹 癰疽大便秘



紫草

瓜蒌

連皮

右剉新水煎服或用黑豆一盞入生薑紫蘇煎湯亦得

孫真人單煮大黃湯 宣熱拔毒大便秘者方可用

用錦紋大黃酒浸去皮不拘多少剉如麻豆大煮服快利此要法也

治癰疽大便秘方

一方獨聖湯治服金石灸  
燂飲酒房勞癰疽痛疼

用甘草生一兩剉碎井水濃煎入酒調服能疎導惡

物

癰疽後補虛羸

附論

素問云形不足者溫之以氣精不足者補之以味大抵  
病瘡毒後焮熱痛楚心煩氣壅胃膈妨悶不能飲食所  
以患瘡毒人須藉飲食滋味以養其精以助其真不日  
可補安全經云脾為倉廩之官胃為水穀之海主養四  
旁須用調理進食為上不然則真元虛耗形體尪羸惡  
氣內攻最難調護可服茯苓開胃散人參內補散嘉禾

散仍兼服五香加犀角人參黃耆湯排膿內補十宣散之類是也參朮順氣散亦宜服之

方

加味十全湯 老人癰疽後氣血虛飲食不美用

黃耆

去又蘆剉令二寸長撻匿以冷鹽湯溫潤蒸三次焙乾剉

大地黃

先洗焙乾以酒

酒飯上蒸十次剉

焙乾二味各一兩

人參

去蘆切焙

川芎

微炒

大當歸

去蘆酒洗

切去頭尾

白茯苓

去皮切焙

粉草

炙

白芍藥

揀有皮者刀刮去皮

切桂心

去粗皮淡者不見火切

天台烏藥

興隆者可

橘紅

去白

白朮

米泔浸半日  
切焙麩炒黃  
北五味子去梗微炒以上十一味各半兩

右咬咀每服一兩用水一碗生姜五片棗二枚同煎至八分濾去滓取清汁分作二服留滓曬乾碾為細末後常服再用姜棗煎服

人參內補散

芍藥 黃芩去心 茯苓 粉草一兩半炙 桂心不見火 人參

去蘆各一兩 麥門冬去心 當歸酒浸去蘆焙 熟地黃洗淨焙 木香

不見火各二兩

右為細末每服二錢水一盞薑三片棗一枚煎至八分無時溫服

薔薇丸 治風濕體氣不能飲食兼癰疽後補虛羸

薔薇

枸杞根

各一斤半

食蜜

生地黄

各十斤

右咬咀先以水煮二根絞取二斛去滓次內地黃煮令爛去滓微火煎令如粥次內蜜和令相得每食後服如彈丸許

將理法

凡癰疽妄用惡草愈滋其毒不進飲食反害其瘡皆非  
正法宜如後法將理

避風邪少睡卧勿驚憂勿嗔怒徐行動省言語戒閨  
房絕思慮防觸穢聽好事瘡頻洗藥常服盥漱聞香二  
便順序擇飲食內充無飢飽失度傳藥運棹屈伸瘡  
口常加愛護

服食法

方

藕食羹 治發背癰疽心煩熱補中養神益氣

藕食

去皮切五枚

葱白

切五莖

豉

一合煎汁一升半

甜瓜

去穰切二枚冬

用冬瓜

右先以豉汁煮藕實次下瓜并葱取熱以五味調和作羹食之日一

杏酪粥 治發背心肺積風熱解毒

煎成濃杏酪

升一黃牛乳

半

大麥仁

三合

右先用水煮麥仁并杏酪熱後即下牛乳攪令勻空

心食日一

豉粥方 治發背癰疽解毒去風熱

豉

二合

葱白

切二莖

薄荷

半兩

生薑

拍碎三錢

鹽花

半兩

羊髓

二兩

白米

三合

右以水三升先煎薄荷生薑至二升却下豉再煎十沸去滓下米煮候粥熟次下髓並鹽攪勻食之日一

凝水石膏 治發背癰疽毒攻寒熱

牛蒡莖

長五六寸別煮令熟研

白朮

三合

凝水石

一兩搗碎絹袋盛



右以水三升先煮凝水石至一升半次下牛蒡并米再煎令沸去滓下米煮粥候熟空心食日一

石膏粥

治發背癰疽頭痛不可忍

石膏

二兩碎

葱白

切二莖

豉

半合

生薑

拍碎三錢半

米

三合

右以水三升先煮石膏至二升次下葱薑豉再煎至一升半去滓下米煮粥後食之若渴加乾葛根一兩

梔子仁粥

治發背癰諸熱毒腫

梔子仁

五枚

白米

五合

右先以水三升煎梔子至二升濾去滓下米煮粥候熟空心食之

竹葉粥 治發背癰疽諸熱毒腫

淡竹葉

一兩

石膏

碎半兩

白米

三合

沙糖

一兩

右以水三升先煎竹葉石膏至一升半去滓下米候成粥即入糖攪令勻空心食之

灸法

治癰疽

癰疽初發小點一二日間急以大蒜頭橫切如錢貼其中心頃小艾炷灸之五壯而止若形狀稍大以黃稗醪酒全貼認先乾處為筋脚於先乾處灸之或兩處先乾皆灸俱五壯而止

又法

屈指從四圍尋按遇痛處是根就自重按深入自覺輕快即此灸之更於別處尋灸若或大腫即搗蒜為餅焙乾醪法醋炙熱更換頻更已減以熨斗火於蒜

頭上熨之更換熱餅頻熨如覺患處走散即綿帛覆  
蓋勿令氣泄俟少間傳藥凡癰疽展大如龜之形且  
看頭向上下先灸其前兩腳次灸其尾或紅筋走緊  
而長從盡處灸之須留頭并後兩腳勿灸若灸不惟  
火氣壅聚彼毒無所走又攻入裏也或辨認不明以  
白芷三分漢椒桑白皮各一分連根葱白十根又取  
新水煎湯入酸醋半盞淋洗少頃其筋自見可以辨  
認頭尾

又法

癰疽腫堅硬不破名曰石癰當上灸百壯

癰疽發背龜形

凡發背如龜形便認龜頭不論左右上下但以腫高處為頭或有疑即以黃稭紙醮醋掩之先乾處為頭把筆點定男女皆取左右手中指用草比量全紙為度一樣剪草十三片六片安頓在外合作龜背形六片安頓於龜背之內中心安頓三片四片內外各相

連合如是則頭尾四足定矣以筆點其尾足抹蒜膏  
灸之先灸其尾七壯火未滅便灸後一脚七壯火未  
滅又灸後一脚七壯迤邐如是灸至前兩脚而止須  
留龜頭莫灸以出毒氣法艾稈實如筋中間太剪剪  
作艾壯此法合陰陽氣候可用灸之省力療理  
治癰疽毒開濶不止痛楚殊甚

以艾炷四枚圍着所作處同時下火各灸七壯多至  
一十壯佳

骨疽百方療不瘥方

於瘡上以艾灸之三日三夜無不愈也

治癰疽發背腫毒一切惡瘡皆效

用麻皮一條從手臂大曲文中度起牽至中指第二節橫文處為準引而倍之截斷遂用此準從結侯處結定雙引兩頭從垂背脊直下取準頭進處點定此是定高下也又用小紙條比大拇指上節一寸為準却將此準就前來皆定中點定處旁去一寸點一穴

灸五壯或七壯十壯若已破灸後三二日或瘡口再就前穴右引一寸點一穴灸五壯或七壯十壯凡此度點穴皆男左女右

灸發背

凡發背上腫硬疼痛用濕紙貼腫上先乾處是頭碾大蒜八頭入淡豉半合乳香一塊如龍眼大細碾隨瘡大小用竹片作圈子竹片闊二分許隨腫大小頓在瘡上將所碾藥填平鋪艾灸痛處以痒為度然後



服白散子貼涼清膏若方腫硬未有頭則當日腫消  
若已有頭則即時膿潰妙不可言

又灸法

癰疽有脚以生薑用大黃黃丹法製一夜切為片以  
艾炷灸之脚自縮矣極妙

治一切癰疽灸法

纔有腫痛不可忍上有白頭如粟粒大一粒至二三  
日有五七粒不可不急治便將艾炷於粟粒上灸或

無粟者但毒氣痛聚更著灸覺痛即灸至痛止來日取去瘡痂膿自潰矣

熨法


速消方

癰疽發背已發未結已結未潰急以黃牛明皮膠新水溶令稀稠得所攤在抄紙上貼之良久以軟布二條於醎醋中煮熱互換澆出罨在膠紙上蒸熨直至消散如瘡痒須忍痒不可住熨或破而膿出將盡即

止未效再如前將膠紙於瘡上熱醋布依舊熨令膿盡即貫衆湯洗去膠紙用退腫散解毒散沉水膏等類摻傳或用拔毒散隨意急服萬金一醉膏或內消散乳粉托裏散破後以洗瘡方盪洗發散毒氣

治癰疽腫發背及癰瘡已潰爛疼痛方

用蒸麋殼更遭熨之當即愈一云薔薇殼更灸熨之



普濟方卷二百八十五